

## **Documèntari sù dî travalh dî paizan ën Val San Martin**

### **"Cultivâ lou granét" - "Cultivâ la vîs"**

Ënt à 2001, sù d'un prouget dè la Coumunità dè mountannho dè là Valadda Cluzoun e Gërmanasco e l'Ëstitùt Wesen, dè rèpreza e d'entèrvista soun ità fatta pèr documèntà li travalh dè la vitto paizano e èrchampâ dè tètèsmouniansa dî proutagouniste d'un mount què vai deipareisènt, coum dizio jo Carlo Ferrero, cant al èsplicavo là razoun què li avin fait a fâ li chitti om e donna qu'èspliquèn li vèllhi travalh dè la Val Gërmanasco.

Euiro quètta èrpreza e quètta èntèrvista sè trobbèn ënt la Biblioutècco dâ patouà – Chentre dè documèntasioun ousitan dè l'Eicolo Latino e là soun a dèspouzisioun dè tuti quèlli què soun èntèrèsà a aproufoundi eiquèlli argoumènt.

A partî d'eiqui, dui documèntari soun peui ità realizà ënt à 2009; î durèn uno vinténo dè minutta, ooub la tradusioun ën italian dè soc là pèrsouna èntèrvistâ dzièn ën patouà, sù là doua coultivasioun tradisiounala dè la Val San Martin: **lou granét**, coultivasioun tipicco dè la mouaiènno-aouto valaddo e **la vîs** què, oou soun chèntre à Poumaré, dount sè trobbèn là vinnha dâ Ramie, occupo la baso valaddo. Lî dui documèntari, què soun euiro dèspounibble pèr laz eicola e pèr lh'ufizi public, soun èntitulà «Cultivâ lou granét » e « Cultivâ la vîs ».

Lî documèntari realizà, ènsèmp a d'aoutri film, què pèr lou moumènt sè pon vè mèc a l'Eicolo Latino, e què trattèn dè la coultivasioun dâ sèel e dè là triffa ecc., soun dècò utilizà pèr là vèzitta a l'Espouzisioun pèrmanènto "Lî vèllhi travalh" e coum matèriâl didattic pèr là clasa dè laz eicola.

### **Dâ documèntari "Cultivâ lou granét"**



*La sèimènsa*



*La planto dâ granét*



*Battre lou granét*

### **Dâ documèntari "Cultivâ la vîs"**



*Pou-â*



*Soulprâ*



*Vèndèmâ*